

EXERCITATIO MEDICA  
*de*  
AERE MOR-  
BIFICO,

*Quam*  
P R Æ S I D E  
DN. JOH. MAVRICIO  
HOFFMANNNO,

Philos. & Medic. D. Chem. atq; Anatom.

Prof. Publ. celeberrimo,

Facultat. Medicæ h. t. DECANO spectatissimo,

Academiæq; LEOPOLDO-IMPERIALIS Naturæ

Curiosorum Adjuncto,

DN. PRÆCEPTORE, FAVTORE atq; Studiorum

suorum PATRONO Optimo, æviternumq;

de-venerando, colendo,

Publicæ Commilitonum disquisitioni

*subjiciet*

CHRISTOPHORVS ERASMVS GOCKELIVS,  
Ulmenf.

*Autor & Respondens.*

Altdorffl Hab. d. xvi. Junij, A. cld lcc XCIV.

---

Excudit HENRICVS MEYER, Acad. Typographus.



**ILLVSTRISSIMO ac GENEROSISSIMO**

**S. R. I.**

**L. BARONI ac DOMINO,**

**DOMINO**

**CHRISTOPHORO**

**ERASMO,**

**L. BARONI à RAGKNIZ,**

**Domino in Perneck, S. Ulrich, Ober-  
Marpurg & Ober-Kinberg, Haunsheim, Bergen-  
weiler & Dornenstatt &c. &c.**

**SERENISSIMI ac CELSISSIMI**

**ELECTORIS PALATINI RHENI**

**CAMERARIO**

**SPLENDIDISSIMO, &c.**

*Domino suo gratiosissimo.*

**S.**



LVSTRISIME ac GENEROSISIME

Domine L. B A R O,




Domine gratiosissime,

*Mecænas ac Evergeta, eâ quâ par est animi  
submissione æviternum devenerande.*





Agnos semper Patronos extitisse,  
qui clementiâ in simul & liberali-  
tate suâ studia ingenuarum artium  
ac disciplinarum promoverere, suis-  
que clientibus auxiliatrices manus  
porrigere, sicq; bono publico con-  
sulere, cum immortalis magni No-  
minis sui deprædicatione, non dubitarint, nullus est





qui nesciat, id quod etiam innumera gloriosissimæ  
exempla testantur. Hisce autem bonarum ac lib-  
ralium artium Promotoribus ac Evergetis non solū  
jam in Domino quiescens *Illustrissimus ac Generosissimus*  
*L. BARO ac Dominus, Dominus ZACHARIA*  
*GEIZIGHOFER, Dominus in Haunsheim, &c. &*  
utpote Stipendii sui benignissimus ac liberalissimus  
FVNDATOR, sed etiam TV, *Illustrissime ac Genero-*  
*sissime Domine L. BARO, Beati Domini Fundator*  
*meritissimus Gener, hujusq; Stipendii beneficentiss-*  
*mus Administrator & Propagator*, meritò annun-  
candi estis; Quod mecum multi, qui hactenus hoc  
Stipendii beneficio ad continuanda sua studia gratio-  
sè adjuti fuere, confirmabunt, ac sempiterno enco-  
mio deprædicabunt. Præ multis autem aliis clientibus  
Divinâ mihi forte obtigit, ut anno 1673, quo  
primo lucem hujus mundi vidi, & Sacri Baptismati  
undis initiatus sum, TE *Illustrissime & Generosissime*  
*DOMINE! gratiosissimum Susceptorem*, postea ab  
anno 1691, quo Athenæum Tubingense aggressus  
sum, non solū benignissimum Stipendii GEIZIG-  
HOFERIANI Collatorem, sed in hunc usque diem li-  
beralissimum maximumq; Patronum habuerim, qui  
charissima TVA Pignora, par *Nobile FRATRVM,*  
Per-





*Per Illustrēs ac Generosissimos* FILIOS, in alma hac  
Unversitate Altdorffina studiis operam navantes curæ  
neæ committere decrevisti. Pro quibus magnis ha-  
tenus in me collatis beneficiis gratias, quas mente  
concipere possum, maximas agere, ratio & æquitas  
postulat. Accipe ergò *Illustrissime ac Generosissime*  
Domine L. BARO, *Mecenas ac Patrone gratiosis-  
sime, omni obsequii ac observantiæ cultu æviternum  
submissè colende*, in grati mei animi tesseram, atque  
humilis observantiæ testimonium, munusculum hoc-  
ce chartaceum, Dissertationem præsentem Medicam,  
studiorum meorum Specimen serena fronte, ac me  
ulterius Gratia, favore, ac beneficentia tua prosequi  
ac fovere non dedignare. Quam Gratiam atque Pa-  
trocinium non solum indefessis studiis, tandem ali-  
quando juvante DEO, publico profuturis, sed etiam  
debitis meis *TIBI & Per-Illustribus* Dominis *FILIIS*  
præstandis officiis, quantum in me est, & quamdiu  
vitalis Spiritus hos meos reget artus, tam in Acade-  
miis, quàm in itineribus faciendis fidelissimè deme-  
reri annitar. DEVM Ter Opt. Max. indefinentibus  
interim exoro precibus, ut TE, *Illustrissime ac Ge-  
nerosissime* Domine L. BARO, *Domine & Patrone*  
*Gratiosissime, cum tota Illustrissima Gente*, in ex-  
opta-



optato Corporis ac Fortunæ statu benignissimè con-  
servet, Nestoreos TIBI annos largiatur, atque con-  
tra cuncta Bellonæ aliaque pericula TE potentissimè  
tueatur!

*ILLVSTRISSIMO ac GENEROSISSIMO*

Domino L. BARONI,

*Domino ac Patrono meo gratiosissimo,  
ac submissè colendo,*

devotissimus cliens

CHRISTOPHORVS ERASMVS GOCKELIVS,  
Med. Stud.

J. J.





J. J.

# PRÆFATIO.



*M*iseria mortalium & deploranda est post lapsum primorum parentum conditio, ita quidem, ut ex ipsis illis rebus, quibus ad vitæ sustentationem indigent, subinde morbosa suscipiant seminia, ad ægritudinem imò internecionem corporis humani tandem progerminatura.

Neque verò è longinquo testimonia peti debent, cum experientia id quotidiano aëris exemplo confirmet; ex hoc quippe tametsi principium vitale homines viventes percipiunt, & postquam semel angusto uteri carcere emancipati, in patentissimum mundi theatrum immissi libertate frui cœperunt, pro continuando fluidorum vitalium motu, atque moderandâ elasticitate intrinsecâ ejusdem beneficio necessario tam intra quam extra nunquam carere possint, morborum tamen plurimorum inde primitivam quoque captant causam: hinc eruditè Gualter. Charlton in Exercitat. Patholog. V.2. scripsit: Aër ut ζωὴς αἵλου vitæ causa quodammodo digne reputetur, ita & interdum θάνατος mortis existit auctor, ubi à nativâ sua & ad vitam conservandam requisitâ salubritate desciverit. Si is enim bene constitutus animalium omnium, maximè quæ donantur organis respirandi, vitam tuetur ac conservat,



servat, cur malè constitutus, eorundem vitæ pariter non incommodet? Quod ipsum cum mecum reputaverim, speciminis publici materiam mihi præbere visus est aër morbificus scrutinio ulteriori eò magis dignam, quò magis ejusdem inevitabile sæpius damnum nos premit, afficit, perimit. *DEVS* à cujus imperio omnis aër pendet, Divinæ suæ gratiæ auram benignam proposito meo adspiret, ne ve aëris morbifici malignam sentiamus noxam faxit!

## THESIS I.

**A** Erem ergò morbificum declaraturus, prolixam haud impendam operam, in describendâ è philologorum placitis nominis ratione; tantum breviter innuisse sufficiat, nomen latinum Aër, ad imitationem Græci αἴρ, originem habuisse aut ab αἴω, i. e. spiro, aut quoniam αἴρ πᾶν aër in perpetuo motu est, aut uti quidam autumant ἀπὸ τῆς αἴρας, ab eo, quòd ferat terram, vel quòd feratur.

## II.

Neque morabor varias aëris significationes, quando is nunc pro vento, spiritu, flatuq; modico, accipitur, ut apud *Virgilium* legimus:

*Aëra dimovit tenebrosam & dissipat umbras;*

nunc pro sono sumitur, uti à *Varrone* dictum deprehendimus, dum ait: animam, ut conclusa in vesica, quando est arctè ligata, perculeris, aëra reddet: vel pro nebula usurpatur, uti *Horatius* & *Virgilius* fecit: Ille quidem Lib. II. Od. VII.

*Sed me per hostes Mercurius celer  
Densò paventem sustulit aëre:*



Hic verò Lib. II. Georg. v. 123.

--- *Vbi aëra vincere summum  
Arboris haud ulla jactu potuere sagitta.*

vel pro tuborum cavitare, quâ aëra trahunt fistulæ, non id adhibetur. *Senec. Lib. III. Quint. IV. c. 24.* facere solemus dracones, milliaria & complures formas, in quibus aëre tenui fistulas struimus.

### III.

Quin potius sub aëris notione totum quod circa nos indiquaq; proximè est comprehendendo fluidum, triplici materiâ perfusum, ita quidem ut alia crassior, gravior & elastica, exhalationibus & vaporibus referta, ac propriè atmosphæra dicenda, alia subtilior, corpora quæque subiecta utique premens, alia denique subtilissima & æthereæ, pondere omni & vi elasticâ destituta, habeatur: Quod si verò quis mallet cum *Clariss. Henrico Mundio* in sua *λογιστική* seu commentario de aëre vitali esculentis ac potulentis cap. 1. aërem appellare materiam fluidam, quæ immenso spatio diffusa terram & cæteros planetas completatur, & ejus partem superiorem à terra remotam, quæ purissima est, & à miasmate quovis terrestri immunis, cœlestem & ætheream nominare; alteram quæ terræ proximè incumbit, vaporibus & exhalationibus oppletur, atmosphæram dicere; demumq; hujus rursus duas regiones recensere, in quarum superiori vaporum & exhalationum apothecas divina sapientia condiderit, unde quoties lubet nubium, fulminum & ventorum materiam derogat, in inferiori focum seminibus rerum fovendis idoneum, & eorum in vitam productorum conservatio aptum constituerit; nec ulli ita sentienti ullam molestiam.



IV.

Per aërem igitur morbificum intelligo totum, supra, circa, & infra nos, proximè ambiens fluidum, five cum *Quintiliano* circumfusum nobis spiritum, variæ consistentiæ, molis, figuræ, virtutis, & materialis originis moleculis refertum, partes fluidas solidasque corporis nostri diversimodè morbosè afficiens.

V.

Eapropter nunc statim inquirere juvabit, in modos generales, quibus aër in corpus hujusq; partes tam solidas quam fluidas agere solet, dum deinde demum modos speciales, quibus ipse morbosas agere solet tragœdias varias, indagasse expediet: Primò igitur aër corporis partes solidas fluidasq; afficit, quatenus corpus ambit, atque pororum fibrarumq; cutanearum, tum glandularum subjectarum, vasorumq; hucusq; exporrectorum, inducitur nunc relaxatione, nunc adstrictione præternaturali transpirationem insensilem variè alterat, nuncq; nimium augget, nunc intercipit, nunc derepentè immutat: Secundò quatenus idem pressione sua five elatere externo elateri interno humoroso-spirituoso-aëreo minùs proportionatus est, & vel hunc supprimendo stagnationibus, obstructionibus, & inde dependentibus inflammationibus aliisve tumoribus occasionem præbet; vel huic cedendo atq; impar evadendo, inflationibus variis partium membranaceo-nervearum, cavarum, diversimodè contextarum, occasionem præbet, quam contentorum respectivè fluidorum effusio morbida hinc inde comitatur: Tertio quatenus idem aër per ossis cribrosi spiracula spiritum sanguinemq; una cum medullari cerebri substantia attingit. Quartò per Aquæ ductum Fallopiæ tympani cavitatem & auris internæ recessus absconditos subintrat  
ne



neque minùs probabiliter Quintò per futurarum interstitia foraminaq; cranii vasis im- & emittendis destinata sese insinuat, ac consequenter rursus ad cerebrum ejusq; contenta penetrat. Sextò lympham glandularum oris, narium, esophagi, ventriculi & intestinorum, cum sanguine & spiritibus aliisq; humoribus hinc inde obviis, nempe chylo, bile, succo pancreatico &c. variè afficit; atque interea quando simul per rimulam laryngis in asperam arteriam, seu bronchum & bronchia pulmonalia hisque appensas vesiculas orbiculares pnevmonicas sese insinuat, humores spiritusq; ibidem præsentes diversimodè movet & immutat. Atque sic Septimò per totum corpus sese diffundit, quatenus canalem æque alimentorum ac sanguinis pervadit, fluidorumque catholicorum commeatum reciprocum sequitur, quorum etiam crasin, motum intestinum & progressivum, fluiditatemq; seu consistentiam tunc variè determinare potest.

## VI.

Quibus præmissis agendum circumspiciamus nunc ordine & distinctè, quot modis specialibus aër foecundus morborum plurimorum parens, fieri possit ac soleat? Hic prò primò omnium notamus, id perpetrare aërem immoderato qualitatum primarum vulgo sic dictarum excessu; siquidem aër excessive calidus internè quidem particulas sanguinis sulphureo-salinas nimium exagitat, accendit & quasi inflammat, subtiliores easdem & spirituosas dissipat, discutit, chyloso-balsamicas nutritias liquat, undit, serosas evaporabiles absument, salinas in fluorem aligit, bilemque cum lymphâ acriorem efficit, demumq; sanguinem insequenti coagulationis promptitudini obnoxiū reddit; externè autem habitum corporis nimium rarefacit, poros aperit, ac ultra modum laxas transpirationi insensibili & sudori concedit habenas; sicque cor-



pus exurit, exsiccat, partes varias inflammationis periculo exponit, dolores à causâ calida aliàs deduci solitos in partibus membranaceo-nerveis intendit & exacerbat, atque demum excretionibus colliqvativis hinc inde an-  
sam præbet; quare *Henricus Mundius l.c.cap. 2.* huc apposi-  
te ita scripsit : In calidioribus plagis Elephantiasis, aut  
scabies cutim deturpant : Cholerae, dysenteriae, & Ile-  
intestina torquent : Causi & omnimodæ febres sangui-  
nem inflammant. Omnes denique morbi à bile orti hinc  
dominantur. Morbi etiam pestilentiales, qui in regio-  
nibus magis temperatis vix nisi contagione propagan-  
tur, in calidioribus plagis spontaneo ortu sæpe emer-  
gunt, luesque Tartarea, quæ omnes terras invasit, me-  
ridionalibus tantum originem debet. Nec morbos mo-  
do, sed & mortem quoque præsentaneam sæpe attule-  
runt cœli ardores, propè dictam Ormuziam totus exer-  
citus auræ candentis, ab arenosis desertis delatæ, afflatu  
suffocatus periit. Mercatores etiam sæpenumerò cum  
camelis iter per arenas tendentes in ipso itinere conci-  
dunt, vehementi solis æstu extincti.

## VII.

Contra aër intemperatè frigidus fluida catholica co-  
agulat, & ad stagnationem disponit; ad p. n. acorem su-  
scipiendum eadem deducit, fibrarum nervearum corru-  
gationem spasmodicam dolorificam infert, glandularum  
subcutanearum meatus constringit, poros cutaneos co-  
arctat, sicque sudorem inhibet, insensilemque transpira-  
rionem intercipit; ut hinc febres, tumores, dolores  
partium membranaceo-nervearum frigidi, catarrhi, &  
alia exsurgant mala; insuper ulceribus, vulneribus, mem-  
branis, ossibusque denudatis aër frigidus insensissimus  
obvenit.



II X.

Porro aër hūmīdus morbidus non minūſ existit , ſiquidem feri accumulāt copiam , illudque intra glandulas molliores redditas coacervari facit , fibrarum adhæc nervearum membranacearum tendinofarum ac carnofarum tonum relaxat , ac conſequenter totum corpus ultra modum humectando enervat , cruditatibusque excipiendis obnoxium reddit , præcipuè autem rheumatifmīs , febribus putridis , ulceribus foetidis , anafarcæ , cachexiæ , paralyſi , phthiſi , & pluribus aliis morbis à colluvie ſeroſâ dependentibus , tum ſpeciatiim ab *Hippocr. Sect. III. Aph. XVI.* parte priorī propoſitis januam pandit ampliffimam.

IX.

Siccus denique aër ſqualorem corpori inducit , tabidisque & phthiſicis exitium minatur , fibras membranaceas , nerveas , tendineas , carnoſasque rigidas reddit , & ad contracturam ſeu ariduram invitāt , bilem ingenerat retorridam , alvum conſtipat , fauces exurit , ſitimque intenſiffimam efficit.

X.

Post intemperiem ſciendum , aërem morboſum evadere repentinâ & inſolitâ mutatione , qualis quidem nunc ſub diverſis anni tempeſtatibus , nunc ſub unâ eademq; obtingit , ſive dein aër repente ex calido in frigidum , ex humido in ſiccum , vel viceverſa pervertatur , ſive ex improviſo inſolita aëris intemperies longior , e. g. menſibus æſtivis frigida , vel hybernīs calida oboriatur. Etenim ſi omnis mutatio repentina eſt periculofa , quanto magis talis erit ex aëre producta , utpote quæ & interne & externe totum corpus afficit atque fluidorum catholicorum motum conſiſtentiam & craſin multipliciter alterat , tum inſuper ſolennem illam corporis ſub inſenſili tranſpiratione



ne evacuationem multipliciter inmutat. Hinc ex fide quotidianæ experientiae Artis nostræ Princeps *Hippocr. Sect. III. Aph. I.* scripsit, mutationes anni temporum maxime parere morbos, & in ipsis temporibus magnas mutationes aut frigoris aut caloris & alia pro ratione eodem modo.

## XI.

Adhæc aer morbificam sæpe ludit tragoediam quoad suam habitudinem sive consistentiam diversam, nimis siquidem tenuis respirationi & motui vitali impar est, unde etiam ex Illustris *Boylei* tentaminibus factis constat, animalia machinæ pnevmaticæ inclusa, aere crassiori evocato, relictoque solum iisdem æthere tenuissimo, protinus spasms tentata exspirare; atque hanc in rem aliquoties jam à nobis citatus *Henricus Mundius cap. 8.* memorat: Eos qui *Tenariffæ* cacumen (quod metæ forma longe supra nubes caput æthereum attollit) curiose superant, spongiis madidis naribus admotis aeris nimis tenuis defectum supplere. Quod idem narrat *Aristoteles* ab illis qui *Olympum* ascenderunt factitatum. Est namque tunc externi aeris elater interni aeris elasticitati moderandæ impar, unde ab hoc viscera interna cava nimium expanduntur, inflantur, & fibræ nimiae tensionis impatientes ad contractiones spasmodicas irritantur, ut hinc *Josephus Acosta* nauseam & vomitiones, quas gravissimas ipse cum sociis quibusdam passus erat, dum *Pericaccæ*, montis *Peruvianæ* & forsan totius orbis editissimi, juga transiret, non ineptè aeris subtilitati acceptas tulcrit. Eapropter etiam *Bohnius* *Circuli sui Physiologico-anatomici Progymnas. V. p. 92.* docuit: fluidum animalium ambiens determinatâ ad intrinsecum gaudere habitudine & relatione; cujus intuitu pisces in aqua, lumbrici, ranæ, serpentes, &c. in terræ cavernis undosis,



is, aves in aeris excelsiore contignatione, reliqua; animalia in atmosphærae strato inferiore seu terræ vicino degunt, hæcque sua loca naturalia vix sine notabili sui incommodo & vitæ periculo mutant, non tantum quod inspirationi horum huicq; analogo fluidum ambiens peregrinum minimè congruum existat, sed simul, quod fluidis eorum intrinsecis æquilibrium adæquatum non præstet.

## XII.

Sed & aër morbificus existere potest ratione motus nimii à ventis impetuosus impressi, quorum vehementiâ dem altiùs poris cutis impellitur, eosque nimium comprimit ac constringit, sicque transpirationem insensilem sufflaminat, atque sudorem coërcet, quin & effluvia varia & miasmata sibi permixta primo impetu & impulsu oculis vasorum ad superficiem corporis usque exporrectis profundius incuneat: Contrà verò tranquillus aër nullâ ventorum vi agitur et si mitis ac lenis appareat, requietæ tamen & stagnantis aquæ more corrumpitur, vapores cit atque deficiente eventilatione sanguinis & spirituum activitati excitandæ minùs aptus existit, atq; hinc etiam aër angustiorum hypocaustrorum perpetuò clausorum, ut & carcerum liberiore auræ haud perviorum, aut ventorum ventilabris minus expositorum, squalore suo principio vitali animando prorsus impar habetur, fluidaque catholica cum spiritibus vapida omnique virtute elastica orbata relinquit, quod ipsum etiam damno suo experiantur, qui campanis urinatoriis vel similibus machinis sub indis inclusi aërem sub reciproco comœatu tandem effectum factum, atque respirationi inidoneum sentiunt, ut hinc *Cornelius Drebelius* singulare artificium adinvenit, quo aërem ejusmodi denuò animare poterat, quod quidem



dem retulit Illustris Anglus ad essentiae alicujus cordiacae particulas, in vaporem resolutas, & effoetum simul aerem phlegmaticumq; animantes; Celeberrimus verò *Pechlinus in meditatione de aëris & alimentis defectu & vitâ sub undis cap. 9.* in machina Drebeliana id accidisse conjicit, quòd ad singulas effoeti aëris expirationes in idoneum & cameratum cavum (nam & instrumenti hujus mechanicam fuisse rationem necesse est) nonnihil essentiae salis volatilis oleosae influxerit, quo statim veluti fermento partes aliae aëris defaecatae & postea secretae sint, aliae quoq; magis tenuatae & vividiores aurâ vel potestate elasticâ donatae, ut sic de novo receptae in pectus sanguinem rarefacere potuerint: atque in eo situm fuisse sophisma existimat, quòd tantum duntaxat istius salis influeret in cavum, quantum ad debitam & naturae singulorum respondentem rarefactionem erat necessarium.

### XIII.

Jam verò ulterius disquirere operæ pretium erit, unde nam aëri effluvia, miasmata & inquinamenta varia advenire possint, ejus crasin ad vitalitatem requisitam corrumpentia? Ubi quidem primò nulli dubitamus cum *ISERANDO de DIFMERBROECK in tractatu de Peste lib. 1. cap. 8.* asseverare, à Deo peccatis nostris irascente, malignissimum, occultum, venenosum, & naturae humanae inferissimum pestilens seminarium coelitus demitti, quod minimâ quantitate aëri infusum, instar subtilis cujusdam fermenti sese per aërem dilatet, eumq; inquinet, ac plurimis ejus particulis multis in locis seu regionibus similem venenositatis labem imprimat, per cujus communionem non pluribus tantum unius loci incolis, sed pluribus etiam orbis terrarum partibus pestis plerumque communicetur: hujus namq; asserti veritas Christianis ex lectio-



ne S. Scripturæ luce meridiana clariùs elucescit, sic enim  
 egimus, quòd Deus jufferit Mosen verba hæc ad Pharaonem  
 eloqui *Exodi cap. 9.* Hæc dicit Dominus Deus Hebræorum,  
 dimitte populum meum, ut sacrificet mihi, nunc enim  
 extendens manum percutiam te & populum tuum peste,  
 peribitisq; de terra. Et *Levit. 26. cap.* ait Dominus,  
 quòd si nec sic volueritis recipere disciplinam, sed  
 ambulaveritis ex adverso mihi, ego quoq; contra vos ad-  
 versus incedam, cumq; confugeritis in urbes vel arces  
 nunitas, mittam pestilentiam in medio vestri; & *Deut. 28.*  
*vers. 21. & 22.* adjunget tibi Dominus pestilentiam, donec  
 consumat te de terra, ad quam ingredieris possidendam,  
 percutiet te Dominus egestate, febre, & frigore, ardore  
 & æstu & aëre corrupto ac rubigine. Et *Jerem. Prophetia*  
*cap. 51. v. 1.* hæc dicit Dominus: Ecce ego suscitabo super  
 Babylonem & super habitatores ejus, qui cor suum le-  
 verunt contra me, quasi ventum pestilentem: *II. Reg. c. 24.*  
*v. 15. & 16.* immisit Dominus pestilentiam in Israël de ma-  
 ne usque ad tempus constitutum, & mortui sunt ex po-  
 pulo à Dan usque ad Ber-sabee septuaginta millia viro-  
 rum, cumq; extendisset manum suam angelus Domini  
 super Jerusalem, ut disperderet eam, misertus est Domi-  
 nus super afflictionem, & ait angelo percutienti populum,  
 sufficit: &c. *Habacuc cap. 3. v. 5.* ante faciem Dei ambula-  
 bat pestis, & carbunculus ante pedes ejus procedebat.  
 Id sanè notandum, quòd Gentiles jam olim pestilentiae  
 causam Diis attribuerint; sic enim antiquissimus scriptor  
*Homerus* sub initium *Iliadis* ob filiam Chrysis stupratam  
 læsum Apollinis Numen telo pestifero in Græcos sæviisse  
 memoriæ prodidit, & apud Ovidium *Lib. VII. Meta-*  
*morph. fab. 26.* Æginetis, narrante Æaco I.

*Dira lues populi irâ Junonis iniquæ  
 Incidit;*



Similiter *Plinius Lib. VII.* memorat, *Manilius* cùm *Capitoli*o expulsus esset, Deos *Capitulinos* irâ perfosos esse, & contra Romanos sævissimâ peste egisse. Nec minùs videtur etiam eò respexisse *Hippocrates*, quando in *prænotionibus I. 14.* si quid divini in morbis inest, etiam hujus prænotionem ediscendam esse voluit; nam tametsi, accuratè dicente *Lindeno in Selectis Medicis II. §. 34.* in omni morbo cujus neque indoles statim, neque curatio patet, πὲρ θεῶν causari superstitiosi sit, in peste tamen illud admittere cogimur; crediderim idèò allegatum hunc *Hippocr.* textum optimè illustrasse *Galenum in commentario*, quando πὲρ θεῶν interpretatus est ambientis nos aëris conditionem, non tamen eam, quæ in primis est qualitatibus, sed multo præstantiorem occultiolemq; monente *Charletono Exercitationum Pathologicarum X. §. 22.* quam differte innuit *Hippocr. in lib. de natura humana textu 19.* dum ibi ait, quum unius morbi popularis grassatio consistit, manifestum est diætam non esse culpabilem, sed quem trahimus spiritum in causâ esse, palamq; est insuper, eum ipsum spiritum sive aërem morbosam aliquam exhalationem (νοσφετήναι ἀπὸ τῆς αἵρας) habere.

#### XIV.

Exinde verò nunc alia emergit controversia, utrum nunc astrorum phases positus & certæ conjunctiones, ac siderum in universum influxus, aërem similibus pestiferis miasmatis corrumpere possint? ubi quidem ex Astrologorum judiciariorum mente affirmativa sententia albo esset calculo probanda, siquidem

*Astra movent auram, movet aura salumq; solumq;  
His homo vivit, & his planta tenella, cibus;  
Sana bonos faciunt succos, malè sana putrentes,  
Hinc putris in liquidum pestis origo venis;*

quem



quemadmodum id etiam factum ab *Alexandro Aphrodisæo*, *Avicenna*, *Valesco de Taranta*, *Fernelio*, *Ludovico Mercato*, *Alberto Magno*, *Duncano Luddelio*, *Georgio Tholosano*, *Michaele Saxone*, *Matthia Mechonio*, *Andrea Angelo*, *Crusio*, *Trichemio*, *Jennerto*, *Mattheo Zeisio*, *Quercetano*, *Vnzero* &c. sicuti loca exitatis authoribus recensuit, atque argumenta præcipua succinctè proposuit *Isbrandus Diemerbræck* in tract. de peste lib. 1. cap. 8. annotat. problem. 1. pag. 20. & seqq. Sed cum negativam multò magis veritati affinibus argumentis solidè evicerit *Carolus de la Font* in *Dissert. 1. de veneno pestilenti* ap. 6., huic quoque me applicabo; ad minimum firmiter persuasus sum, ob astrorum innumerum numerum, &que tantam à globo nostro terr-aqu-aëreo eorum distantiam, humanæ mentis conjecturam non posse assequi certam aliquam noticiam, quibusnam astris & cuinam determinatæ cœlorum regioni generatio ejusmodi imminutum sit attribuenda? item an ejuscemodi malignæ sortis effluvia non prius ab inferioribus causis producta & consequenter astris demum communicata fuerint? Inerea tamen astraluce, calore, motuq; , in aërem & corpora nostra agere, & sub tali respectu illum sæpe intemperatum & vitalitati fovendæ non ubivis congruum fieri, hæc utem ad suscipiendos morbosos fomites sæpius disponi, ultro concedimus, & propugnabimus.

## XV.

Causas igitur nunc scrutabimur inferiores & nobis propinquiores, à quibus aer sæpius corripitur & depravari solet: Nempe enim ipsa mater tellus ex gremio suo per ignem subterraneum propulsas mittit aporrhœas sulphureas, salinas, acres arsenicales, mercuriales, aliasq; minerales & metallicas, quæ subinde non solum aquas, verum etiam aërem ipsum subeunt & inquinant: Quemad-



modum enim teste *Georgio Agricola de re metallicâ lib. VI. p. m. 172.* in metalli-fodinis venæ & venulæ commissuræq; saxorum exhalant subtile quoddam virus, ignis vi expressum, ex rebus metallicis aliisque fossilibus, quod ipsum cum fumo sublevatur, non aliter ac pompholyx, quæ in officinis in quibus venæ metallicæ excoqvuntur, ad superiorem parietis partem adhærescit, atque si idem ex terra evolare nequiverit, sed deciderit in lacunas, atque eis innataverit, periculum conflare solet; etenim si quando aqua jactu lapidis aut alterius rei commota fuerit, rursus ex ipsis lacunis avolat, itaq; spiritu ductum homines inficit; sed idem magis efficit fumus igni nondum extincto. Corpora autem animantium isto veneno infecta plerumque continuo turgescunt, & omnem motum ac sensum amittunt, sineq; dolore intereunt. Homines etiam e puteis scalarum gradibus ascendentes, ubi virus incrementum sumserit, rursus in eos decidunt, quia manu non faciunt suum officium, globosæq; & rotundæ ipsi videntur esse, itemq; pedes, aut si bona fortunâ parumper læsi ex his malis evaserint, pallidi sunt, & similes mortuorum. Ita etiam similia effluvia extra cavernas subterraneas exhalantes supra terram aquas & aërem inficiunt, quod ipsum inter alios quoq; testatur *Athanasius Kircheri Mundi subterranei Lib. V. Sect. IV. cap. 3. verbis seqq.* Certum tibi persuadeas velim, hasce antrorum fissuras pernicio spiritus exhalatrices, suam ex subterraneis cavernis originem ducere; infernus verò cavernarum aër multis mineralium succorum quisquiliis tinctus, mox ubi ab æstuariis subjacentibus exagitatus fuerit, per hujusmodi fissuras eructatus effectus pro diversitate materiæ diversimodis præstabit; si enim aer sulphuris adusti halitu tantum tinctus fuerit, is nonnisi avibus periculum adducet; cum bituminis adusti fæcibus mixtos halitus exeruerit, nec



recroticâ quadam vi infestabit omnia illa animalia, quæ incautius illa loca accefferint. Rursus si arsenico calcinato, antimonio, mercuriali liquore perfuso, tingatur aer, ne ullo remedio mortem cordis suppressione afferet animalibus; si gypseæ materiæ halitus fuerit, mixtâ vitrioli vel aluminis portione, accedentes strangulabit. Atque hoc pacto pro materiæ venenosæ conditione differentia nascabit symptomata; quas quidem pestíferas exhalationes procreat vel internus terræ, ut dixi, calor; vel vis ignium saxa cæterasq; minerales glebas adurens, cujusmodi inter alia sunt pyrites, stibium, quod antimonium vocant, cadmia, mercurius sublimatus & innumera alia, quæ aquis fortibus macerata, halitus emittunt adeò exhalationes, ut vel ad primum odorem exaniment. Quæ omnia experimento constant aurifabrorum aut ipsorum fossorum, quorum illi dicta mineralia dum tractant, nisi magna cautela procedant, horrendis irremedicabilibusque morbis infestantur, hi verò aperta subterranea quadam fontis cavernâ, hujusmodi halituum quisquiliis ita pronus consternuntur, ut subinde quotquot ibi laborant, ad unum omnes suffocati intereant.

## XVI.

Notum cum primis est in viâ Puteolana antrum Cæcum, intrâ quod hi dimissi à sulphure narcotico obveniente tenebricosâ vertigine correpti, & repente *αφ' αὐτοῖς* mortui quasi videntur, mox tamen passibus quadraginta circiter inde distant lacui Agnano dein immerfi vitam notumq; ① sæ aquæ beneficio recuperant. Sicuti aliàs non leve impendet periculum hominibus ab effluviis sulphureo-narcoticis, quibus aer cellarum musta fermentescentia comprehendendum, aut laboratoriorum Chemicorum carbonibus accensis æstuantium, refertus est, nisi



nisi ventorum ventilabra liberiùs admiffa ejuscemodi effluvia discutiant aut diffipent.

### XVII.

Id verò fidem fermè superat, ab *Helmontio de Lithia cap. 1. §. 18.* relatum, quod circà annum 1320. intra Ruffiam & Tartariam, in altitudine graduum 64, non procul palude Kitaya, Horda Bafchirdorum penitus in petra transmutata fuerit cum toto armento, curribus, & armamento; dicunturq; etiamnum hodie homines, camelis, equi, greges, atque omne concomitans curruum & armorum genus, sub dio concretum, horrendo spectaculo, adhuc infaxata stare. Qualem effectum sicuti *Helmontius* illius tractus forti odori saxatili fracido expirantibus inambulones necanti & transmutanti adscripsit; ita *Aventinus in Hist. Bavarie l. 7.* confirmare videtur, scribens plusquam 50. rusticos cum pecude à spiritu salino in terræ motu exorto suffocatos, & in statuas salinas at durabilis materiæ transmutatos, seq; cum Cancellario Austriæ hominum pecorisq; simulacra vidisse.

### XVIII.

Ex dictis igitur elucescit, effluvia varia morbifica terræ visceribus ejusq; superficie aeri accedere: deprehendimus autem porro supra terram hinc inde etiam similes aporrhoeas eidem adjungi, & quidem: (1) à maris fontium, lacuum, stagnorumq; aquis exhalantibus, si uti e. g. maris balthici accolæ salinas rigidiores cum aëre captant moleculas, scorbutum endemium fovente (2) à carbonibus fossilibus pro igne exstruendo usualibus, quam ob causam aër Londinensis tabidis phthificisq; exitium minatur & infert. (3) à cloacis, fimetis, sterquilinis & aliis quibuscunq; foetida effluvia dimittentibus, ut id rectè monuerit *Cl. Scretæ Tr. de febr. castrens. sect. 2. c. 3. p. 18*



I.

GÖCKELI, præclara propago atq; æmula  
proles,  
Quandoquidem Phœbo nomen cum lau-  
de dedisti,

*Aëris infausti* & quantum Vis corpora lædat,  
dum exprimis, Ingenii Viresq; exponere tentas,  
Hunc quoq; conatum laudo & quò sidere fausto  
In Patria facias Medicam haud inglorius artem,  
Egregii Patris exemplo, opto pectore amico,  
Et Morbi possis, Mortisq; inhibere furorem.

*Nobil. & CLmo DN. RESPONDENTI,  
amoris & honoris causa gratulabun-  
dus adposui*

Mauricius Hoffmann, Med. D.  
& Prof. Primar. Collegiique utriusq; Altdorf.  
& Nor. Senior.

II.

Βάλλ' ἔτως! γεραρεῖο κατ' ἔχον αἴσῃ Γονῇ,  
καὶ προγόνων σεύ ἱετῶν ἀνδρῶν πλοφῆμων,  
Σπυδάζων περ' Ἀκιστορῆς, ΓΩΚΗΛΙΕ· Τιμὴ  
τῆς ἀρετῆς Σέοθεν δὴ πᾶσι συνέμπρε ἔσται.

*καρτερίδι & δεηθέντι  
ἀποχρυσόσας*

Jacobus Pancratius Bruno, D.  
& P. P.

III. GO.



III.

GOCKELI, Phoebi & Charitum dulcissima  
proles,

Aëra morbosum scribere dum satagis,  
Aëra per patulum Laudes & Nomen Honosq;  
Se Tua diffundent verticem ad usq; Poli;  
Solis utramq; domum complevit Gloria Avita,  
Tumet eris celebri nec Genitore minor!

*Bono omine plenus*

*Nobiliss. & Clarissimo*

DN. AVTORI RESPONSVRO,

Fautori & Amico suo suavissimo,

*de egregio Eruditionis*

*Specimine gratulabundus*

*αὐτοχρῆδιασε*

PRÆSES.

IV.

Il est bon, avoir leu, avec soin & adresse,  
le Divin Hippocrate, & feüilletté Galien;  
ainsi que Vous avez fait jusqu'icy sans cesse:  
Mais tout cela pourtant ne suffit encor bien.

Au moins on ne doit pas receler sa Science;  
mais plutôt en public montrer ce que l'on sait,  
& mettre, comme Vous faites, en évidence,  
& ce qu'on a appris faire voir en effet.

Ce savant Essay donc, dont je Vous felicite,  
souhaittant, qu' il Vous cause & bonheur & bonheur,  
fera, mon cher Amy, Vous meriter ensuite  
& remporter bientôt le chapeau de Docteur.

George André Reutter



Carnificibus Senatusconsulto ferio inculcandum esse, ne foetidas cadaverum quorumcunq; detractas pelles, antequam in altiori, ab urbe tamen remoto, loco bene exsiccatae fuerint, aedium superioribus contignationibus suspendant, alias per totam viciniam teterrimus inde exhalans squalor maximo cum sanitatis detrimento dispergeretur, naresq; illic degentium perpetim feriret, imò grastante pecorum lue pelles nullo modo detrahant, sed ista cadavera profundioribus fossis integra occultent; (4) a defunctorum vel in bello trucidatorum corporibus inhumatis sub dio relictis, per putredinem resolutis, luem epidemiam saepius concitantibus, (5) ab aëgris morbis contagiosis correptis pluribus in uno loco decumbentibus, aërem effluviis suis inquinantibus, ut per contactum virtualem contagium necessario multiplicetur; quod cum prudentiores bellorum Duces optime nôrint, aëgros infectos in castris diutius morari haud sinunt, sed ad evitandum amplius contagii damnum in xenodochia maturè ablegant. (6) ab aedibus recens extructis & tinctis, calcariis sulphureisq; narcoticis exhalationibus sanguini præcordiorum pulmonali, spirituiq; cerebri animali, intensissimis.

## XIX.

Atq; hîc videtur *ὡς ἐν παρόδῳ* etiam commemorandum, aërem fulminum fulgurumq; sulphureo-salinâ narcotici & coagulativâ anathymiasî foetum saepius repentinæ & improvisæ homines tradere neci, fluidorum catholicorum vitalium motum in momento intercipiendo, spirituumq; eclipsin inferendo; sicuti huic opinioni *Cardani* 8. varietate rerum c. 43. observatio probabilitatis singularem speciem conciliat, quâ memorat, in Lemno Insula, ubi Insulae cornu dividitur, octo menses cum sub

C

quer-



quercu coenassent, à fulmine percussos & exanimatos  
suum quemq; schema, sub quo discubuerat, retinuisse,  
ita ut unus comedere videretur, alter ori poculum ma-  
nu admove, alius bibere, cumq; omnes nigri essent,  
imaginem totidem statuarum repræsentâsse.

## XX.

Tandem etiam morbificus dici meretur aër, qui ob  
*ιδιουνογόριον* aliquibus hominibus adversus est, sicut e. g.  
aër effluviis rosarum, moschi, ambraë, similibusq; odo-  
riferis imbutus, feminis quibusdam hystericam concitat  
passionem, aut capitis dolorem parit: Plura hâc vice ad-  
dere nec libet, nec licet, etsi argumenti propositi ampli-  
tudo plura suggereret, quæ in aliam reservabimus  
occasionem.

*SOLI DEO GLORIA*  
*sit in æternum!*

F I N I S.

## COROLLARIA.

1. In aëre medicato præscribendo ad consuetudinem etiam re-  
spiciendum est.
2. Bili ab omento particulas subministrari oleosas, non impro-  
babile censemus.
3. Febrium plerarumq; ortus à stagnatione fluidorum cathol-  
icorum præviâ facile deduci potest.
4. Medicamenta Chémica dextrè præparata, atque à Medi-  
prudente decenter præscripta, tuta sunt.

✻ : (o) : ✻